

河源紀略承修稿
水地記



河源紀略承修稿

吳省蘭纂

叢書集成初編

(補印本)

河源紀略承修稿及其他一種

一九三九年十二月初版
一九五九年十月補印

商務印書館出版

上海大東集成分刷廠印刷

河源紀略承修稿

圖說總案

吳省蘭纂

公字泉之號稷堂南匯人乾隆壬午舉人由國子監助教戊戌欽賜進士一體殿試授翰林院編修歷禮部侍郎左遷編修擢侍講學士致仕

臣等謹案地理非圖不明。大河源流自古人跡罕至。漢書稱武帝案古圖書名河所出山曰昆侖者。已佚不可睹。其圖之傳於今者。篤什所述十僅得其四五。陶宗儀之所摹。又僅得篤什之四五。近時歐羅巴人作坤輿圖說。徧繪五大人州。而紀黃河者。僅寥寥數語。豈非皆傳聞未確之故歟。洪惟聖朝。旣章式廓。聖祖仁皇帝肇命臣工。攜挈儀器。遍歷區域。測量分數。以極星出地高下。定南北相距之數。以中星偏東偏西。定東西相望之實。周天三百六十度。當大地七萬二千里。其中山川脈絡形勢。燦陳繪畫。具備。我皇上德威遠邇。準夷回部。相繼蕩平。拓地二萬餘里。昔所詳諮博考而得者。申命有司。履循絜度。繪入輿地全圖。西濛東瀛。廣輪無外。於是大河源流一曲一直。披圖指點。均可得其出某山。行某地。分某派。合某支之實。至有古書所未陳。往圖所不載。如伏流孔道。阿勒坦真源者。證以欽定輿圖。瞭若指掌。洵乎億萬禩之標準也。臣等謹循畫方分度之體。繪爲河源全圖。一圖所不能盡者。析爲數圖。各系以說。自古縱橫轆轤之論。質以今圖。不辯而知其得失。並取往籍可圖者。自漢書至元使窮源舊圖。附載於後。

河源全圖說

繪輿圖者必區分細目而後可析其條理亦必統括全形而後可挈其綱維禹貢九州散敍諸流而必以導山導水兩章總敍其次第始末卽是意也。天河源遠而流長自蔥嶺和闐以至於入秦隴邊境所逕歷蓋數千里其發源之山支絡連縣自岡底斯呢瑪伊斜亘蔥嶺亦袤延一二千里中間山與山鉤帶水與水貫通山與水又互相經緯既非僅繪一隅所可明且山有斷續水有伏見形不屬而脈相屬者尤必臚列全局始顛末釐然謹依欽定輿圖自回部西南方流至鹽澤由安西州入青海抵河州詳悉繪畫上稽星度下列土方每方一度相去二百里方向曲直確切可據豈爲考訂必求詳核哉蓋自康熙間戡定西藏聖祖仁皇帝論謂岡底斯爲衆山水之根其地與回部和闐相接則昆侖正脈先入版圖雍正間廓清西海河源重發之區盡歸列戍開屯之內我皇上平定準噶爾回部疆理西域一視侯甸如是由蔥嶺和闐伏羅布淖爾重發阿勒坦郭勒大荒以外潛見不常之靈蹟一一近在戶闥折衷訂誤得以詳昔人所未詳云

蔥嶺河源圖說

河源總發西域西域山之極偏西者莫大於蔥嶺蓋山脈延亘自僧格喀巴布山分支西驚由齊齊克里克嶺特拉克嶺經喀什塔什嶺和斯魯克嶺而北折經吉布察克三喀克善諸山皆得以蔥嶺名之自此東行爲天山正幹山脈所入其諸山之水隨地而發羣支散衍總歸大河其大源有二喀什噶爾河發源最遠葉爾羌河與和闐鄰接俱東行與和闐河會源流廣大視和闐數倍過之蓋和闐二岸地

多沙磧水或湮滲不流而蔥嶺之水源委數千里或分或合不滲於沙不隔於嶺自古數河源者必曰蔥嶺以是故也。蔥嶺西方所出諸水或入於達里岡阿鄂謨或匯於騰吉斯鄂謨皆以西海爲歸墟水經注所述入雷轟海諸水自在蔥嶺之外今裁以斷限一遵欽定輿圖詳考二源發跡之地經由之墟並以地勢相近附入阿克蘇源繪蔥嶺河源圖而述其形勢之大概如右。

和闐河源圖說

漢書及水經皆言河水源出蔥嶺一源出于闐蓋出蔥嶺者爲正源出于闐者爲旁源其形勢然也今考和闐共六城其哈拉哈什玉隴哈什二城水爲河水分見之源行至厄格爾雅爾而合東北行共一百里始會蔥嶺諸山西來之水其左右如都瓦城三珠城額里齊城塔克城諸水自流自止不顯與和闐河會蓋沙磧間之實亦和闐之旁源茲並遵欽定輿圖繪列於右。

北山河源圖說

西域北山卽古天山亦稱折羅漫山東西六千里中以此山爲北障其南境水無不入大河者今考蒲昌海以西所受北山之水有四大源最西爲阿爾蘇河會烏什水南流會於蔥嶺和闐河交匯處其詳已見前圖其一爲庫車河四源合流流至沙雅爾城南入河水其一瑪巴赫色爾庫爾水自瀦不流見河水相望隔數十里蓋汎流而入河水者也其最東爲海都河挾四源出衆山之口瀦爲淖爾溢出南入大河蓋古今山西麓水山海經稱敦薨之山敦薨之水出焉西流注於渤澤出於昆崙之東北隅實

爲河源。卽指斯水。蓋天山南麓。約以四源。而海都河爲最盛。故山海經亦以河源稱之。所謂傳聞異詞。僅得其近似者也。惟我皇朝。天山南北。盡隸職方。諸水所經。皆有城郭。自烏什阿克蘇拜城。賽喇木庫車。哈喇沙爾至吉爾森呢木諸城。耕屯井牧。不殊內地。皆藉河水爲灌溉。分合脈絡。一一可稽。謹遵欽定輿圖。繪北山河源圖。並詳著其從出之源。會合之處。如右。

羅布淖爾圖說

羅布淖爾。爲西域河水之總彙。計自蔥嶺之東。嘉峪關之西。天山之陽。南山之陰。縱橫七八千里。稽其大勢。一涓一滴。咸於是匯歸。卽古之蒲昌海也。唐杜佑疑蒲昌海爲西域。自行自止之水。不與積石河通。今考羅布淖爾。北近天山。南則束以沙磧諸峯。其西方爲大河。衆源來處。東境又爲伏流來赴之水。合稽西域地勢。無有下於是者。故西域支流別派。亦無有不歸於是者。至於涉歷冬夏。不減不盈。則以其沙道潛通。有洩有受。其蹟似異。而其故可以理推。杜佑或考之未審也。淖爾北倚天山支峯。南有魯齊圖達巴漢。其旁衆池駢列。爲圓池。爲方橢池。爲鄂爾溝海圖水。巴哈噶遜水。弩齊圖色欽水。錯居環繞。燦然亦如星宿。論者謂其肖形成象。與鄂敦他臘諸泉。祖孫一氣。信不誣也。水經注稱其洄湍電轉。爲隱淪之脈。可以證伏流矣。謹案欽定輿圖。繪羅布淖爾圖。庶幾靈源昭晰。一洗前人疑古之論云。

羅布淖爾東境北路諸泉圖說

羅布淖爾東境之北。爲托克三土爾番闢展哈密諸地。水皆出北山南麓。或稱交河。或稱南湖。泉流散

潛自行自止。諸土依之以爲聚落。伊古以來。未有言其歸向者。今以西域地勢考之。天山正脊。自和爾郭斯嶺東行至塔什嶺。折而南。爲必柳嶺。迤南過嘉峪關。又南爲巴彥山。轉西爲安西州南境大山。其山形聯屬。包絡無間斷。故安西州南山。亦名天山。以其一體相屬也。天山之派。旣已東出南折。以屬於安西。則其中包蓄諸山。勢亦必西向歸於羅布淖爾。特流沙間阻。其最北者。爲伊爾瑚瑪沙。其近南者。爲噶順沙。千里泉流。遇沙潛伏。雖無顯然奔赴之蹟。要不容區而別之於大河外也。今遵欽定輿圖。詳列諸水發源之方。並次第其因沙伏流之實。因端竟委。繪爲羅布淖爾北路諸泉圖。衆水不同。總以出天山南麓者爲斷。用以補往籍之未備焉。

羅布淖爾東方伏流沙磧圖說

羅布淖爾。東南方古鄯善樓蘭精絕。且末諸國地也。唐人稱爲莫賀延磧尾。兩崖排亘。諸沙委積。祁連山西出。支峯迤邐。包絡於其左。和闐東來。第三重大嶂。錫津烏蘭托羅海諸山。盤礴屹峙於其右。山根崖脚。交互穿插。具有繚曲往復之致。故自羅布淖爾伏流。以至阿勒坦郭勒重發之處。測其逕度。約一千五百里。若以伏流隨山曲折。東西激盪。當不止二千里而贏。昔人疑鹽澤之水。散入沙磧。蓋束以諸山。導以諸沙。凝蒼潛流。似散而非散也。故自噶順淖爾察罕得勒蘇水。察罕托輝水。以至庫庫塞水。諸泉仰發。不一而足。其最大者。達布遜淖爾。一支西北望鹽澤八九百里。東南抵青海地。止隔一嶺。相去僅三十餘里。兩端分潞。曾無間斷。又如舒合必拉庫庫塞水。兩泉並發。相去僅三十里。一則由古爾班

洮賴地東南流而伏。一則由烏蘭得錫地西北流而伏。縱橫相左。要皆伏流仰出之泉。蹤跡顯著者也。謹依欽定輿圖。繪諸沙中兩崖斷續衆泉伏汎之跡。以著大河流入青海之孔道云。

阿勒坦郭勒重源圖說

爾雅載河出崑崙。虛色白。所渠並千七百一川。色黃。蓋以城內衆水。有青赤白黑之殊色。而大河獨以黃著。故爲之疏通其義。使不得混於他水。今考回部河水所受經流支川。無慮千數。汨漱沙壤。所謂渠并者。在西域已居大半矣。從來水潛地底。側出仰流。無不潒然澄清。獨阿勒坦郭勒噶達素齊老之水。伏流初見。輒作黃金色。因卽以黃金名之。豈非大河靈瀆。雖伏地千里。而仍不改其本性者乎。唐人始有栢海星宿川之目。元人窮源至星宿海。皆未識阿勒坦真源。惟我聖朝疆理西極。殊域一家。自崑崙以下。旣已盡載圖經。皇上命使窮源。自鄂敦他臘而西。更三百里。歷古亘今。所未能窮見者。於是乎盡發其蘊奧。伏讀御製河源詩云。色亦作黃金。別流無敢廁。大河真源。昭然如發蒙矣。乃知諸家誤會。禹貢導河之文。謂河源出積石山。皆拘墟之見。不足信也。其水自阿勒坦郭勒穿入鄂敦他臘。潏爲扎凌鄂凌兩淖爾。東南流出。未至積石山。已近千里。恭秉睿訓。按諸欽定輿圖。合以侍衛阿彌達所進新圖。詳考阿勒坦黃水真源。並條次左右諸山形勢。及衆泉之交注者。悉載諸圖。以證河源重發之真蹟。河流積石山南。會三昆都倫河圖說。

元使窮河源至鄂敦他臘而止。不知其西有阿勒坦之黃水。已爲失實。其尤舛者。以朵甘思東北鄙有

大雪山名亦耳麻不莫刺譯言騰乞里塔指爲崑崙自河源至崑崙已行三十日程河繞其三面則是崑崙爲河所經由之地而非源矣。宋史河渠志仍之與傳所紀齟齬不合數百年以來卽有心知其誤而莫知所以致誤之由。我皇上燭幾鑑古洞照如神披覽侍衛拉錫舊所具河源圖貴德之西有三崑都倫河入河水謂蒙古語以橫爲崑都倫河之橫者爲崑都倫山之橫者亦爲崑都倫彼崑都倫以橫山延亘得名說者不察遂以三河之名附會而誤復讀御製讀宋史河渠志文而千古之疑始決今考大雪山之南有得特崑都倫得特藏古語謂上也。有都木達都崑都倫都木達都蒙古語謂中道也有道喇崑都倫道喇蒙古語謂下也。大河從西方來三崑都倫河自東南橫入之以其形勢相並故有上中下之稱皆在河南與北岸之大雪山不可淆混正崑都倫之稱而阿木奈瑪勒古木遜阿林不容妄名爲崑崙也明矣。敬遵聖諭繪三崑都倫河入河之蹟以著宋元史相承之謬。

河流繞積石山三面至貴德圖說

禹貢導河自積石言治水施工之始非謂河源山海經水經注言河源重發於積石則舉青海境大山以包舉諸地言積石而星宿海亦在其中也。積石山今之阿木奈瑪勒占木遜阿林山形蟠屈數百里巍峩高聳爲通境之望其山脈自祁連山南出至拉布拉克達巴漢特們胡珠達巴漢迤邐而東爲托灰哈達阿林巴哈圖爾根阿林哈爾吉布達巴漢諸山隨處異名其實皆積石之一體也。大河自西方流繞其南合三崑都倫河折而北而轉西繞其東北境與庫庫淖爾相望蓋環積石三面一千三百餘

里。茲謹遵御製讀宋史河渠志文。正大雪山之非昆侖。並遵御披通鑑輯覽證明其爲禹貢之積石山。山川道里形勢方向。昭然明晰。無可置疑。大河自此東北折。由溫泉邊入貴德堡。衆流漸濁。復其本性。始名黃河。今並繪河繞積石山三面經貴德堡圖。以著河源之全局。蓋自昆侖正源。青海重源。再伏再見。至此始名黃河。其自河州以東。經朔方。入山西陝西界。歷河南江南入海。經流曲折。並詳於各家地志。茲不具圖云。

庫庫淖爾圖說

庫庫淖爾。古稱西海。亦稱鮮水。亦稱卑禾羌海。在大雪山之北。肅州安西州之南。旁列羣峯。中環巨浸。包納支流。爲地周圍千餘里。其水不與西域通。亦不流注河水。然西北一隅。正與哈拉淖爾諸水。如衣馬爾山長馬山諸源鄰接。其西南一隅。阿穆呢色爾沁地。與河水東折之處。相望纔數十里。是卽大河旁源。瀦流不洩者也。蓋河源全境。由本達末。縈帶萬里。蔥嶺交流。總匯於羅布淖爾。積石重源。又旁瀦於是地。均伏流潛會。靈蹤奧跡。古人不得盡窺。恭讀聖製有云。濟水三伏三見。亦其明證。化工肖物。昭然揭全河之形勢矣。青海地水波瑩徹。土膏肥衍。自古羌戎雜處。羈縻而已。自我世宗憲皇帝。廓清其境。開列堡戍。是牧是耕。環河流數千里。悉以青海部名之。庫庫淖爾。旣與河源鄰接。則與西北流出之居延海休屠澤諸水。隔絕河水者。迥乎不同。允宜列入河源紀載。茲依欽定輿圖。按稽地勢。於全境中。摘其瀦流。與大河相望者。繪庫庫淖爾圖。用考資境焉。

漢書河源圖說

西域自漢武帝時通於中國。張騫始發其端。厥後開置四郡。設都護輪臺渠犂。皆置田卒。則大河所注。咸在節制之中。班史言南北有大山。中央有河。河水兩源。一出蔥嶺。一出于闐。東注蒲昌海。其水亭居。冬夏不增減。皆以爲潛行地下。南出積石山。爲中國河。其言信而有徵。特其時山南山北諸地。中隔西羌。非版圖之所隸。故疏略而不詳耳。自唐以來。誤指西海境山爲崑崙。反以史記漢書所稱西域河道。詆爲非是。則舛謬甚矣。臣等恭繹諭旨。閱史記漢書所紀河源。張騫所窮。正與今所考訂相合。豈可沒其探本討源之實。聖謨洋洋。洵千古史家折衷之定論。謹尋史記漢書所載。繪漢書河源圖。山川國域。盡用當時舊目。而證以今日地名。以互資考覽。其上源下流之未能賅備。則仍其舊文。以不沒其實焉。

水經注河源圖說

漢以後記山水者。推水經注。其敘河源。雜考山海經釋氏傳兩漢書。蒼萃錯綜。以證明其說。亦云博矣。乃首言崑崙虛。去嵩高五萬里。高萬一千里。或未免傳聞不實。又阿耨達山六水。其雅魯藏布一源。渺無可考。至所敘河水。出岐沙谷分二源。南源合于闐河。注牢蘭海。似卽今葉爾羌水。北河合枝水姑墨川水龜茲川水敦薨水。注渤勘。似卽今喀什噶爾及北山諸水。其會合之先後。與今水道亦不甚相符。至稱南河。又東右會阿耨達大水。計當在塔里木大河之南方。則似和闐河外。別有水自且末國流入。又理之不可信者矣。然其分別經枝。摹寫情狀。自蔥嶺至渤澤。敘述詳晰。宛如續畫。而蒲昌隱淪之派。

與今沙道暗合。茲循其曲折繪水經注河源圖。自西域源至青海源。斷限以河州入塞而止。水道之與今不合者。亦並存之。以資考訂焉。

唐劉元鼎所見河源圖說

唐穆宗時。劉元鼎使吐蕃。還言河源出紫山。亦名悶摩黎山。直大羊同國。三山中高四下。河源其間。距長安五千里。卽崑崙也。河源東北直莫賀延磧尾幾五百里。今考元鼎所見。蓋經履河湟。溯洪濟梁爲磧石軍地。在今河州之北。自北西南二千里。又三百里至紫山。正直今之鄂敦他臘。所云三山中高四下者。當卽巴顏哈拉阿林。巴爾布哈阿林。阿克塔齊沁阿林。而莫賀延磧尾。北自沙州。南入吐谷渾。亦與今沙道伏流之實相應。然則元鼎所言。固與李靖侯君集覽觀磧石河源者。初不相遠。惟其以紫山爲崑崙。則考之未審耳。今按據唐書繪元鼎所見河源圖。以並存其是非焉。

元使所窮河源圖說

元潘昂霄從什之弟闊闊出聞河源之說。撰河源志。始火敦腦兒至大同路而止。朱思本又從八里吉思家得梵字圖書。以華文譯之。繪圖著說。自火敦腦兒至潼關而止。其說已與昂霄所志互有不同。元史地理志附錄因二家之說。著爲定論。以後言河源者仍之。今考其說。實多乖誤。卽如火敦腦兒之當爲鄂敦他臘。騰乞里塔之當爲騰格里塔拉。譯言譌舛。已有不勝糾正者。至稱大雪山爲崑崙。唐述山爲禹貢積石。力斥班史西域河源爲非。是則囿於所見。附會乖離。殊不足以昭定論也。昂霄志大雪

山南只會二水。一爲納鄰哈納。一爲乞兒馬出。二水之合流。蓋不如朱思本圖。黃河折北流處。又有鵬撈河來會。其說與今之三昆都倫河較合。而思本所載大河。自合懷里火禿河之後。凡有數折。由東北流。而正北。而西北。而又正北。而正東。其說亦與今日圖經不符。至於信青海之伏流。疑崑崙之正脈。星宿海以西。卽爲窮探所不到。洵哉。大河靈跡。必待聖代而顯著也。今附繪元代舊圖。以河州貴德堡爲斷限。至元史舊文譯音訛舛。皆應繙改。唯以舊地新名。互資對勘。圖中並存原文。庶幾疎密相形。足以見今古之得失焉。

河源紀略承修稿

質實總案

臣等謹案西域河源載於史記大宛傳及漢書西域傳吐蕃河源載於唐書吐蕃傳及元史地理志附錄自是言河源者或信西域而疑吐蕃或信吐蕃而疑西域各膠一說靡所折衷今自西陲底定蔥嶺南北咸隸版圖黃流所經無不與史漢相符合乾隆四十七年又特命侍衛阿彌達至星宿海西三百里阿勒坦郭勒窮溯真源證以欽定輿地全圖乃知蔥嶺以東喀什噶爾葉爾羌和闐諸水至羅布淖爾伏流再出於阿勒坦噶達素齊老所謂重源潛發者前古所疑始渙然水釋復蒙御製河源詩一章御製讀宋史河渠志一篇刊誤決疑徵今考古洵足昭垂日月傳信萬禩謹仰遵聖諭詳述河源伏見之迹分合之派經過之方按今山川道里及星度測量略仿水經注例編爲質實五卷昔酈道元謂水陸路殊徑復不同淺見未聞非所詳究矧臣等學術舛鄙耳目未周而遭逢聖際同軌同文得以欽承旨訓稽考輿圖山川萬里瞭若目前臣等職奉編摩不勝榮幸兢惕之至

質實一

河水發源回部之西陲始見於喀什塔什吉布察克諸山卽蔥嶺也有二源其西源爲喀什噶爾河喀什噶爾河同語喀什謂各色噶爾謂磚房其地富爲大河最遠之初源有二支西支出吉布察克山

同語。東南流一百八十里。有水自阿喇古山同語。阿喇古山夾溝之謂。西流三百六十里來會之。行六十里。潞於

哈喇庫爾同語。哈喇庫爾池也。池水色黑故也。當和斯魯克嶺同語。山名。之東。周圍九十餘里。復東流經察哈爾阿勒爾

地名之南。喀什塔什嶺同語。喀什塔什各色也。塔什山名。之北。各有數水來會。行四百餘里。經塔什布里克城。

同語。塔什石也。布里克有也。地多石故名。南爲雅滿雅爾河同語。雅爾河水深難越。故謂雅。又二百里至庫森準語。庫森願欲之謂。

故。西源處極四十度。西四十五度。其南有格斯阿爾雅同語。水名。水東流二百六十里。至英噶薩爾城同語。英噶

謂新也。薩爾謂城也。北有察罕水同語。察罕白色。東行一百四十里。至托布薩克同語。地名。二水自伏

不流。西北支出阿喇古山音義已見前。凡重見。南分二支。名得爾必楚克河同語。水名。二百里經喀什噶爾

城南而合。有博什克勒木城同語。地名。水自西北流八十里來會。其北有博爾和什水同語。水名。出札岳克嶺。

同語。至阿爾圖什城同語。地名。西有巴爾昌水同語。巴爾有也。昌地起浮。流至阿爾圖什城同語。地名。東二

水自止不流。喀什噶爾河西北源處極四十度八分。西四十三度二分。二源既合。出山東北流五百里

至巴爾楚克城同語。楚克全有也。南又八百里至噶巴克阿克集同語。地名。境與西南來之葉爾羌河同語。葉爾

謂地也。羌寬廣之謂。其地寬廣。故以名其城。即以名其水也。會。

其西南源爲葉爾羌河。

葉爾羌河有二支。南支出和闐同語。地名。即古。西境大山。二支同出。合流二百四十里至沙圖城同語。地名。

有北。分爲二。東西行百八十里復合。東行百里爲聽雜布河同語。水名。其東有達斯滾河同語。水名。迅急故名。經

此爲試讀，需要完整PDF請訪問：www.ertou.com